



有感

勞瘁生平混俗塵未知投契向誰親  
肝腸錫使提改言笑難期白首新樽酒徒然誇管鮑  
戈矛古道淪已愧雷陳孝標作論非無謂  
展轉興嗟有外國使臣過漂母祠展拜掛百錢而去因

紀之以詩

奉朔朝天泊使船入祠瞻拜重留連  
當年曾却千金報豈羨區區掛百錢

秋望



颯颯涼飈遍野田  
雨餘秋草尚芊綿  
天空一雁飛  
雲際水靜雙鳧浴  
岸邊菱鏡含風湘  
簟碧荷盤托  
露夜珠圓不堪極  
目江楓老低鎖斜陽  
萬井烟

秋思

客心無計歎如何  
秋到雲峰總浪過  
檢索將驅左  
文蠹臨池不換右  
軍鷺風來小架驚  
鸚鵡霜落空  
庭壓薜蘿今夜相看  
同坐月未知清影照  
誰多

秋泛

浮雲慘淡楚山孤  
泛取秋光向碧湖  
照影最宜懸

玉鏡沁心何用濯  
冰壺芙蓉葉映眠  
沙鷺荇藻花  
藏戲水鳧碎擊空  
明歌桂楫茫茫烟  
景米家圖

秋吟

秋光四野送晴暉  
極望層層入翠微  
塞雁乍飛溪  
乍淺江楓初老蟹  
初肥參差遠岫皆  
含霧斷續孤  
村半掩扉笑指遊人  
喧野渡月明寥廓  
晚吟歸

又秋懷四首

秋渚澄鮮碧山塘  
稔稻香露侵荷蓋  
薄霜逼柳絲  
長聚散雲無定  
縈紆水不忙  
瀟湘徒極目  
祇見雁



南翔

獨處誰相慰銀蟾影漸升詎稱千里馬惟比一條  
冰却扇涼風至侵簾爽氣增醉眠湘簟滑香炷剔  
殘燈

初秋風瑟瑟策杖獨徘徊殘暑羣蟬寂新涼一雁  
來鉢池畱佛院丹竈鎖仙臺去去攜焦尾臨巖傍  
水隈

夜靜更初動雲開月吐光蟬琴吟北樹蛙鼓鬧南  
塘殘沼餘荷碧疎林敗葉黃乍驚秋夢覺清興正

茫茫

瓶桂

蟾宮折取一枝芳瓶供窗前對月光夜半香凝人  
靜寂恍疑身在玉虛傍

瓶中假牡丹

剪彩裝成國色同競言人事奪天工嚴寒一朵偏  
增艷可有生機在箇中  
四時百卉豈常新巧製名花冬復春富貴看來如  
是假增華何似守吾真



咏荷包牡丹

紅葩碧葉號花王誰爲纖纖製錦囊  
搖曳輕盈無限美箇中亦自有清香  
一枝嬌艷盡包羅收拾春光不在多  
造物生成真巧絕沉香亭畔較如何

咏燕

春郊燕子戲江沙巧弄踰躑影半斜  
不道飛禽無舊好至今猶戀主人家  
遶梁燕語自啾啾底事關心未肯休  
乳哺梁間何

太苦碧空寥廓任遨遊

野塘卽事

小艇乘閒泛野塘遊鱗啞盡稻花香  
白蘋青荇交相映羨殺沙鷗葉底藏

友人贈白菊詩以謝之

攜得霜花至悠然信出塵枝枝瑩砌玉  
瓣瓣艷堆銀映月寒香透臨軒瘦影新  
故人投贈意高潔表吾真

和友人紫荆花韻

琪英灼灼冠羣芳蕊密枝低傍短牆我愧疎才題  
艷冶君多春色煥文章蕭然菜竹全無韻瘦矣梅  
花不敢香珍重珊瑚休折取將來留綴美人妝

虞美人花  
相繼而開

### 聽鶯

緩唱低酬喚夕陽清音恰恰韻偏長宮商慢轉饒  
吞吐律呂輕依按抑揚擲柳調聲邀蝶拍迎風弄  
舌奏松簧枝頭睨睨如催飲疑是豔風第幾章

### 徐節孝先生祠

東海爭傳節孝祠往來瞻拜繫人思長垂祀典春  
秋重仰止高風實我師

### 韓侯釣臺

殘山剩水一荒臺指點王孫把釣來多謝薦賢蕭  
相國英雄成敗實堪哀

### 漂母祠

憐才老嫗愧鬚眉千古名雷一片碑贏得扁舟經  
過客長廊粉壁遍題詩

### 和前相國申文定公雜咏



竹粉

翠筠一徑曉烟屯  
離立池邊似鳳蹲  
嶰谷凝霜標  
秀榦淇園積雪挺  
靈根放稍濕  
借松花潤解籜寒  
分梅片溫  
莫是湘妃曾撫處  
高低猶染舊啼痕

松濤

虬枝偃蓋拂層霄  
萬壑無風影播搖  
電掣雷轟奔  
激浪山鳴谷應捲  
涼飈靜中磅礴初  
機動閒處低  
徊雜慮消  
不用廣陵花月夜  
六時枕上有江潮

花影

嫣紅姹紫不須真  
映月翻風轉動人  
向背橫斜俱  
入畫扶疎高下恰  
傳神香藏暗處猶  
堪采色在空  
中那用勻十二  
闌干憑望久奈他  
含睇復含顰

柳烟

叅天黛綠蕩朝暉  
灞岸行來望不分  
近水常含千  
片露沿堤慣鎖一  
層雲參差乳燕梢  
頭立宛轉流  
鶯葉底聞太液池  
頭曾記取御爐香  
氣接氤氳

梅雪

六出能爭五出奇  
皎然襯貼歲寒姿  
衆香國裏披



襟處羣玉峯頭策杖時清影依依開醉眼冷涼漠  
漠動吟髭怪他風外柯亭笛却把關山別調吹

燭淚

金鴨香消繡幙寒鮫人乘興弄珠盤迸來幾顆銀  
燈暗流出千行寶炬殘合鏡筵前須暫拭絕纓會  
上莫偷彈懸知簾外春風峭移照還應步步看

香塵

雨過陽橋濕不飛晴開繡閣轉相依閨中望遠迷  
人眼陌上尋幽染客衣蔽日翻騰煙霧歷隨風蕩

漾雪霏微興來踏遍芳郊路扶杖應歌緩緩歸

月露

寶鏡高懸桂吐香桐陰點點耀珠光丹霄幸把醜  
酬賜紫府叨將沆瀣嘗安用延年梨作汁不須却  
熱蔗爲漿灑灑欲倩嫦娥手灑遍人間煩惱場

冰花

凍結重陰氣上滋乾坤無地不凝脂瓊簪並股簷  
間掛玉剪連環樹杪垂燦爛竒觀如鼎列玲瓏巧  
樣似鱗差不須計日論開落頃刻陽和便轉移



荷珠

過雨青錢貼水平瑩然錯落滿盤傾  
細從龍女懷中獻高似金仙掌上擎  
月皎芳塘光豔豔風清碧沼態盈盈  
看來箇箇圓堪愛一串誰能爲結成

遊絲

搖曳晴空百尺長高翻碧落恣飛揚  
紙鳶貼處渾難辨粉蝶沾時却可商  
有志漫天應振作無能補袞合潛藏  
纏綿不及春蠶吐得傍支機助七襄

麥浪

平疇一望盡黃雲眩目常看現紫氛  
誰向空虛團隙影却從廣野蹙波紋  
芝靈或有三光扇禾寶將無五氣耘  
雖是來年曾作頌片時陰雨便無聞  
寒夜臥病耿耿不寐詩以遣之

吾生敢自謂無涯坐擁寒衾輾轉嗟  
幾度遠鐘驚入耳晨光猶未透簷牙

剝牀無故病魔來鬱鬱中懷遣不開  
最是五更更漏永一聲那得曉雞催

劉訥菴大叅漱亭招飲



最愛波光好相招一倚欄敲碁清晝永把酒夕陽  
殘目縱三城遠心閒片石安磻溪高致在且自理  
漁竿

中秋夜雨

飄香桂子趁秋風美景佳辰此日同偏是姮娥離  
月窟濕雲深閉廣寒宮

謝友贈菊

幾枝矯矯挺霜葩淺白深黃信可誇獨抱幽姿同  
旅客平分秋色到吾家  
騫芳攬秀超時豔守潔含

貞耐歲華自此東籬供醉臥何須舍外覓烟霞

紅梅

清標占盡百花先那肯隨桃逐柳妍靜夜含香分  
竹露侵晨弄影借松烟穿成瑪瑙非爲艷點就臘  
脂未必鮮結子調羹應計日任他情性蝶蜂牽

清明日友人招集別墅

清明時節好風光愛我相招過柳塘屐齒踏殘芳  
草色衣襟沾盡野花香快談不覺風生座逸興爭  
誇句滿囊一望墟烟新改火幾船簫鼓送斜陽



重陽前一日同諸子坐雨

蕭蕭疎雨逼重陽且共幽齋坐晚涼落帽可堪頭  
盡白披襟難得菊初黃手持脂膩霜螯美杯瀉泉  
清雪酒香相與分題聊紀勝追陪竟日足徜徉

苦雨

霏雨淒迷春若秋千絲萬縷織人愁雲封鳥道山  
藏黛浪溢龍門水倒流零落紅英魚腹饜飄搖翠  
萼蝶魂休疎簾沾濕何時捲耐冷梅香分外幽

步月有懷

散步東籬下微吟墊葛巾狂非嗟世態醉亦樂天  
真素志貧堪守陳編老更親多情惟皓月偏是照  
閒人

贈靳呂封郡丞

節鉞功高故象賢風流蘊藉更翩翩方叨舊澤膺  
新簡待展宏猷濟大川歆向才名當代重韋平事  
業古來傳傾心世德垂淮永佇望 思綸錫九天

題李慎菴郡守扇頭畫竹

瘦影點苔紋叅天綠蔭分枝枝籠碧玉葉葉鬪湘



裙飲露高迎月含風靜拂雲會須攜茗椀坐臥挹  
清芬

偶同友人泊舟新柳下小酌即事

濃烟翠濕綰長條日暖鶯黃一半消金縷織成鶯  
語滑玉鞭遮斷馬蹄驕迎風淺露章臺面近水斜  
圍楚館腰斗酒雙柑偕勝侶偷閒來泛木蘭橈

金山寺晚眺

撐空一柱砥狂瀾絕頂登臨眼界寬千地樓臺蟠  
水面四天梵唄徹雲端神蛟背壑舒鱗甲老鶴橫

江振羽翰待按洞簫乘月色夜深閒倚玉闌干

夜泊潤州城下

萬歲樓頭秋夜涼維舟兩岸稻花香驛亭戍鼓參  
差動官舫桅燈次第張世事變遷歌舞地年華銷  
歇戰爭場不堪衰草孫郎墓誰與臨風酌一觴

焦山

千巖迴抱隱花宮一水周遮路可通旭日高懸如  
對鏡輕帆利涉若乘風巒光翠滴疑天巧樹色紅  
攢屬化工長與金山分界立巍然旗鼓壯江東



遊華陽洞

華陽仙跡擬追攀願乞真傳鍊大還砥礪一經通  
宦籍逡巡三事黜朝班碧山深處曾招隱黃閣前  
頭已賜閒早晚棄家將采藥芒鞋布衲托長鑱

第二泉望雲起樓追悼吳留村使君

攜客來尋第二泉逢迎長憶使君賢神明廉潔真  
難及文采風流更可傳鄴苑催花同進酒梁園刻  
燭各題箋只今衰草斜陽外悵望高樓意惘然

虎丘山觀陸密菴所題山門對聯

霸圖銷歇莽興衰木落生公舊講臺冠蓋已隨流  
水去品題仍向夕陽開三春粉黛駢肩過八月笙  
歌聒耳來見說先朝平治日歸田二相此追陪

文定王文  
肅兩相國

彌羅閣朝禮上帝

穿雲寶閣拱虛皇御極開天玉曆長檻外星辰常  
布列簾前日月自迴翔幘幪宇宙高懸鑑把握乾  
坤靜括囊稽拜不須私頌禱巍巍聖壽本無疆

靈巖山寺



望湖亭接落虹亭山半行來屐暫停放眼松飛鋪  
徑翠擡頭竹滴護墻青花前罷設邦君宴石上長  
緡寺主經回首廢興今昔異桂香飄動露華零

中峰放鶴亭懷支道林

高懷一片憶支郎放鶴亭空鎖夕陽水滿碧池荷  
葉短風迴丹嶂桂花香蜻蜓待露依莎草翡翠窺  
魚立野塘散步莫嫌歸路遠會須醉倚竹方牀

天平山

天平絕頂試攀躋俯視秋山萬笏齊丞相祠堂低

度雁徵君池館午聞雞耽吟預把詩籤備覓醉還  
將酒榼攜盡日放舟尋勝蹟歸看月色印前溪

鄧尉聖恩寺留題

崇岡雙抱隱花宮徑轉峰迴鳥道通春早嶺梅含  
白雪秋深庭桂颺金風一年好景看難盡七步長  
才咏不窮如此山靈足游覽自應卓絕冠吳中

石湖泛舟夜泊行春橋聽隣舫度曲

十里晴湖夜泛舟水光山色共夷猶沿堤苑樹穿  
丹壑近郭人家擁畫樓美酒細傾新上若清歌徐



按古梁州關情錯認秦淮渡楓葉蘆花一樣秋

月夜江樓聞笛

雨餘初見月如勾  
茗活香清坐小樓  
嗚咽一聲來枕上  
低徊三弄隔牆頭  
淒淒似訴深閨怨  
忽忽偏增遠客愁  
我亦關情拚不寐  
閒將佳句匠心搜

課諸童子種花

端居雖一室百卉滿  
堦墀風雨須防護  
陰晴合動移嫩紅  
當檻處新綠映窗  
時責在諸童子辛  
勤爾莫辭

蘭花

一枝橫几席滿室  
盡增光只樂琴書  
靜無勞蜂蝶忙發  
生從閩嶠賞玩自  
吳鄉試檢羣芳譜  
中含王者香

白海棠

數遍秋花好無如  
白海棠娟娟羅幌  
外嫋嫋石闌傍獨  
立微含態空羣暗  
吐香清風搖動處  
只與月爭光

月桂



一月一回開人爭愛賞來白肥翰芍藥紅瘦勝玫瑰  
魂石油先移植莫盆任事我隔開嬌影動羯鼓不  
須催

臘梅花

牆角含生意花如蠟瓣開盡終日賞凍結滿瓶  
香破臘標孤幹先春壓衆芳允宜松與竹三友耐  
冰霜

中秋招及敏菴同方過安諸子及崔婿兩兒  
賞月

中秋幾見月常明佳節今宵景更清結納應憐俱  
夙好逢迎最喜獲新盟談深拂面桐風細坐久侵  
衣桂露輕記得當年叨入直霓裳聽曲尚含情  
每逢令節便關情醉賞無如共友生握手一時欽  
品行傾心千古慕才名酒應興到飛觴遍詩待神  
來信筆成畱取餘歡明夜盡城頭戍鼓已三更

題及敏菴游仙詩卷後

愛君筆墨總生香疊韻游仙更擅場指點先天真  
學問鋪排太極夫文章南山借我冰桃種北海還



他火棗嘗倘許此中通一竅相隨飛步赤城梁  
招及敏菴方遇安崔倩雲莊月夜泛舟觀荷

熹邕兩兒從行限荷香二字

青錢貼水愛新荷又見花開並蒂多選勝正當携  
酒玩尋幽况復棹船過沾衣露重飛紅雨拂面風  
微捲綠波願假空羣詞賦手吟成付與雪兒歌  
亭亭弄影又飄香各試風前五色裝芍藥倚闌難  
比艷芙蓉臨水敢爭芳嬌能善奕誇高手兒亦耽  
吟媿大方良會賞心渾不易留連莫負好花光

雪中招及敏菴方遇安諸子小集分賦二首

起看積雪護樓臺好約同人醉賞來眩目直疑瑤  
圃近沁心宛似玉堂開楚宮授簡人皆宋梁苑揮  
毫客盡枚莫道春寒簾外重相將卜夜共啣杯  
鷺毛片片滿空飛凍筆何妨帶醉揮比戶千門朝  
積素連城百雉暮凝暉低枝傍檻紅梅瘦老榦過  
墻翠竹肥便使荆關善圖畫也難摹想入非非

春早崔西琬招同及敏菴方遇安諸子柳浦

灣尋梅集花下二首



南枝消息近如何十里芳塘挈伴過夾岸多應翻  
燕剪穿林將已擲鶯梭和風不散雲千頃旭日猶  
藏雪一窩取次攜尊花下飲莫辭滿泛舞仙螺李遠  
杯名  
冉冉春風拂面來雪香深處畫圖開輕飄片雪沾  
衣袂遠送繁香落酒杯庾嶺君誇曾躡屐孤山我  
惜未登臺只今醉咏芳林下誰擅凌雲七步才

秋聲八首限聲字

雁聲

穿雲看雁影微物最關情相逐同夫婦成行似友

生稻梁謀固重矰繳慮非輕夜夜蘆汀畔哀鳴不  
住聲

蛩聲

何事疎籬畔寒蛩故故鳴悲秋疑帶怨泣露實含  
情酒醒燈將炧更闌月轉明怪他孤枕上淒切遍  
傳聲

風聲

忽忽涼飈動寒衣尚未成高翻松影亂遠遞桂香  
清屋角奔濤赴花間戰鼓鳴憑闌閒坐聽彷彿沸



茶聲

雨聲

浙瀝復淒清中宵滴到明沾衣留遠客灑地潤羣生似線穿簾密如珠濺水輕桑林無用禱比屋起歡聲

葉聲

苑外西風緊飄搖歎落英辭枝看去速着地聽來輕徑曲鋪偏厚庭空積漸平心閒幽夢醒細數打窓聲

砧聲

何處疎砧起宵深響更清空閨勞遠思絕域憶長征輾轉愁難展淒其夢不成迢迢關塞曲千里可聞聲

琴聲

片石桐陰下臨風雪曲清雍門彈後調叔夜賦中情入拍將絃跪翻頭用指迎成連雖已去海水足傳聲

書聲



古人親雪案辛苦爲榮名要使機神熟先須字句  
清低昂明法脉段落得章程讀到心明處如聞金  
石聲

鸚鵡

怪爾偏多事千般巧語傳能歌新曲調善誦好詩  
篇隴樹歸心切洮雲望眼穿正平曾作賦終古使  
人憐

鴛鴦

並蒂碧蓮開雙雙戲水來常因魚網避慣近酒船

迴笑借鞋弓獻歡邀繡枕陪池塘秋色好穩宿莫  
驚猜

詠紙鳶

鼓翅向長空憑人掌握中九霄誇奮躍一線受牢  
籠自比摩天鵠羣猜戲海鴻日斜收拾去吹送待  
晨風



詩餘

如夢令

懷友

篩影橫窗月透隔院相思誰構燈燼夢遲遲可到  
高唐巫岫聽漏聽漏方信斷魂時候

歎梅

不審狂奴何故打落梅花無數摧折雪冰心也笑  
春風一度回顧回顧忍把芳菲辜負

臨江仙



紅花鋪步壁間韻

野店山村駐馬遍嘗紅杏朱櫻官遲且讓一身輕  
家鄉雖漸近時序却頻更回首半生勞頓扶搖  
枉計雲程歸來正值浴荷青歌翻新唱曲洗濯舊  
塵纓

長相思

旅邸步韻

思無窮睡朦朧身在蕭蕭野店中將凌六翮風  
日初融踏芳叢柳媚桃嬌綠映紅鋪排屬化工

懷友

憶多才愛多才倚遍雕闌不見回芙蓉花正開  
風信催花信催嬾向花前獨把杯君偏不早來

眼兒嬌

咏梅

清幽深院敞虛簷日暖乍晴天花開玉蝶最饒丰  
韻粧點春妍暗香浮動透疎簾興致自躡蹻待  
邀良友羽觴飛遞拚醉花前

東湖賞荷



滿湖綠水颺紅蓮分韻合題箋雙鴛戲水或增人  
妬又使人憐 開尊且與醉花前雪酒瀉珠圓亭  
亭弄影香風拂袖正好留連

浣溪沙

咏梅

小院閒窗春色賒簷牙香雪影籠紗凭闌無那對  
南衙 鏡裏須憐新瘦損愁中和夢落誰家嬾將  
心事問流霞

虞美人

本意

羣英落盡青梅小又聽鶯聲老凭闌細細問韶華  
無計留春剩有美人花 風翻蝶舞真難辨一樣  
枝頭顫深紅淺白粉多嬌逸韻天然妬殺小蠻腰  
惜秋光

本意

玉漏停催天欲曉金風拂檻秋容早小院晝沉沉  
報到海棠開了 疎籬慢掩空庭不掃辜負梧桐  
人漸老此際愁多少



滿江紅

和方遇安扇頭九日登高韻

爽氣晴空正依依斜陽初下停板處分題作賦爭  
看倚馬遠水漸收蘋渚綠輕霜乍着楓林赭纔出  
缸脫帽泛茱萸憑揮灑 心上累休教惹滿城社  
爭名者辜負了紫蟹黃花盈把隱隱歸鴻天外度  
頻頻漏鼓城頭打笑閒身此外總浮雲誰知假

醉春風

馬廠看桃花

信步渾忘倦望裏紅英茜慢誇九曲小桃源倩倩  
倩點染春光輸他結子慣撩人面 密蕊珊瑚串  
掩映垂楊線杏前梅後逗芳菲豔豔東閣題詩  
曲江走馬也應留戀

花犯

石塘看牡丹

問東郊姚黃魏紫朝來可全放舉頭一望喜疎葉  
繁花娉婷難狀綠緋搖曳金盤颺丰神更雅暢試  
高賦謫仙舊調掀髯同拍掌 巡檐欲釀不禁妖



去來吟  
四  
媿蜂蝶往向芳藂擾攘總驅逐無塵錦障風殿且  
相與觥籌交錯拚領畧榮華剛半晌比當日沉香  
亭畔別有傾城玩賞

鎖窗寒

芭蕉

弄影參差翻風上下綠陰成幙疎疎密密遮遍窓  
前墻角枕書眠滿庭暑氣頓然對爾渾消却愁心  
獨抱乍開還卷更饒含着 霜落秋雲薄便蛛絲  
斜掛含情如昨題箋人遠鹿夢酣誰覺寫相思方

展綵毫疎雨飛來聲不惡待題完記汝清風層層  
須領畧

解珮令

舟中新月

幾聲蟲語數行雁度早推篷又見纖纖月老去情  
懷渾不管怕圓還缺掛新鉤纔來一捻 任他班  
馬任他沈宋逞才華不分優劣鼓楫揚歌休辜負  
秋光融澈碧痕天照人離別

南樓令



午日泛舟

佳節值天中榴花照眼紅儘龍舟沸水翻風也泛  
輕舸攜酒榼聽笑語隔簾櫳歸棹且從容良辰  
不易逢歎三閭一去無蹤角黍亂投成底事空悵  
望弔孤忠

鵲橋仙

七夕

穿針乞巧浮瓜沉李盡道今宵差別銀河雖是隔  
東西究竟與雙星何涉只應把盞偶然覓句消

受新涼時節若令會少怨離多天  
上事有誰傳說

點絳脣

尋菊

醉訪東籬曉霜不顧黃花瘦短垣依舊弄影娟娟  
秀一片幽香暗撲騷人袖雕闌後幾枝斜逗點  
染秋光透

好事近

九日登高

扶杖去登高一任風吹落帽望裏茱萸堪採趣疎



林斜照 鉢池山近鍊丹臺  
往蹟須尋到回首三  
城雉堞總暮烟籠罩

摸魚兒

閨中聞砧

奈疎林一聲聲動雙提咽  
霜淒切秋蛩旅雁偏無  
賴抵死何曾休歇燈半滅  
任繡被香溫征夢頻飛  
越柔腸百結想丹鳳城南  
白狼河北淚點都成血  
披衣看堆積滿庭落葉  
試將簾幙偷揭一鉤斜  
月星三點暗惜影形拋  
撇音問絕便織就迴文待

慙愁千疊憐伊周折合阻  
却當時侯封遠覓不作  
這般別

簇水

苦雨

夜夜朝朝凍雲湊合渾如許  
柳烟桃霧全不放紅  
輪作主那見侵衣撲面飛絮  
空中舉真辜負淡蕩  
時序 待喚渡泛一箇綠簑  
小艇緩棹入濃陰去  
泥沾袖濕早退縮無情緒  
縱有尋春幽夢難得陽  
橋路只應撥獸炭將茶煮



無悶

喜晴

古寺烟開高城日上放出晴光千片真可惱連朝  
密雲低鎖減却春愁一半柳鞦花殷俱冉冉閒揮  
塵尾滿斟雀舌恣情消遣 端愛韶華舊正遠擲  
鶯梭高翻燕剪看解組何人坦懷如練一任車塵  
馬足問載筆清班諸親串見此際晴爽林巒可動  
十分眷戀

詠菴曰先生詩餘竟爾旖旎如此可見歐九一

代名臣此道不少娉婷妍媚何爲蘇髯鉄板









